

kosnar, en þær skulu því næst framkvæma skiptinguna á eignum, skyldum og sveitarþyngslum, og verði ágreiningur út af skiptingunni, skal skorið úr honum af sýslunefndinni, sem einnig ákveður um fjallskil og afrjettir. **121** 28. nóv.

Þetta tilkynnist yður hjer með þjónustusamlega herra amtmaður, til þóknanlegrar leiðbeiningar og frekari birtingar, að því viðbættu, að með þessari fyrirskipan er ekki gjörð nein breyting á hinum forna Seyðisfjarðarhreppi hvorki sem manntalsþinghá eða dómpinghá.

Brjef landshöfðingja til stiptsyfirvaldanna um lán handa prestakalli til húsa- bóta á prestssetri. (Ágr.). — Með brjefi þessu var prestinum að Hvammi í Laxárdal í Skagafjarðarprófastsdæmi leyft að binda tekjur prestakallsins fyrir 1000 kr. láni, prestakallinu til handa, til húsaþóta á prestsetri brauðsins, þannig, að lánið ásamt 4% vöxtum verði endurborgað á næstu 20 árum með $\frac{1}{20}$ á ári, og að öðru leyti með þeim skilyrðum, að hús það, sem presturinn er að byggja, verði eign prestakallsins og komi í stað fyrverandi bæjarhúsa, að það sje vátryggt fyrir eldsvöða í brunabótafjelagi, sem hefur umboðsmann hjer á landi, fyrir að minnsta kosti 1000 krónum; að presturinn hafi að fullu lokið við húsbygginguna á næstkomandi sumri, og sanni það fyrir prófasti; haldi síðan húsinu vel við, og hann eða bú hans skili því á sínum tíma í gildu standi eða með fullu álagi; loks, að helmingur lánsins sje ekki tekinn, fyrr en lögmæt sönnun er fengin fyrir því, að húsið sje fullbúið og byggingin vel af hend leyst. **122** 29. nóv.

Brjef landshöfðingja til amtmannsins í Norðuramtinu og Austuramtinu um skipting Helgastaðahrepps í tvö sveitarfjelög. — Eptir að mjer með þóknanlegu brjefi yðar, herra amtmaður, dags. 24. okt. þ. á. hefur borizt beiðni hreppsnefndarinnar í Helgastaðahreppi í Suður-Þingeyjarsýslu um skipting tjeðs hrepps í tvö sveitarfjelög, er hlutadeigandi hreppsnefnd hefur lagt með, og eptir að jeg hefi beina leið fengið yfirlýsing hreppsnefndarinnar viðvíkjandi Hlíðar og Fremrinámum, er þjer minnst á í nefndu brjefi yðar, skal hjer með samkvæmt 23. gr. í tilsk. 4. maí 1872 skipað svo fyrir, sem hjer segir: **123** 28. des.

1. Helgastaðahreppi í Suður-Þingeyjarsýslu skal skipt í tvö sveitarfjelög, þannig að Helgastaða prestakall verði hreppur sjer, og nefnist *Reykðælahreppur* og Grenjadarstaðar prestakall, að því leyti sem það liggur í Helgastaðahreppi, verði hreppur sjer og nefnist *Adaldælahreppur*.

2. Öllum eignum Helgastaðahrepps og öllum skuldum, sem hvíla á honum, þegar skiptingin fer fram, og ennfremur öllum meðlögum með ómögum og fjárstyrk til þurfamanna, er sveitfesti hafa eignast í hreppnum, meðan hann var óskiptur, skal skipt milli hinna nýju hreppa á þann hátt, að í hluta Reykðælahrepps komi $\frac{8}{15}$ en í hluta Adaldælahrepps $\frac{7}{15}$. Eptir sama hlutfalli skiptast milli breppanna fyrst um sinn svo nefndir Hlíðar- og Fremrinámar, að því er löggjöld snertir.

123

3. Sveitarþyngslum, er síðar kunna til að koma, og sem eiga rót sína í fjelagsskap þeim, er hingað til hefur verið milli hinna nýju hreppa, skal skipt þannig, að þurfalingum eða ómögum sje sjeð fyrir styrk eða framfæri í þeim hreppnum, sem þeir eru fæddir í, ef þeir eru sveitfastir sökum fæðingar, en hafi þeir unnið sjer sveitfesti, þá í þeim hreppnum, er þeir unnu sjer hana í, eða sem þeir dvöldu í fleiri af sveitfestisárunum eða þá voru í seinasta sveitfestisárðið, ef þeir voru jafn mörg í báðum.

4. Aðskilnaður hreppanna skal fram fara undir eins og amtið hefur ákveðið tölu hreppsnefndarmanna í hvorum hreppi, samkvæmt 2. gr. sveitarstjórnartilskipunarinnar, og hinar nýju hreppsnefndir þar eptir hafa verið kosnar, en þær skulu síðan framkvæma skiptinguna á eignum, skuldum og sveitarþyngslum, og verði ágreiningur út af skiptingunni, skal úr honum skorid af sýslunefndinni, sem einnig skal ákveða um fjallskil og afrjettir.

5. Hvor hinna nýju hreppa verði manntalsþinghá fyrir sig, og sje þingstaður fyrir Adaldælahrepp að Nesi í Adaldal, en fyrir Reykdælahrepp fyrst um sinn að Helgastöðum, og sjái hreppsnefndirnar fyrir sæmilegum hús-um til þinghaldanna, hvor í sínum hreppi.

Þetta tilkynnist yður hjer með þjónustusamlega, herra amtmaður, til þóknanlegrar leiðbeiningar og frekari birtingar, að því við bættu, að með framangreindri fyrirskipan er engin breyting gjörð á hinum forna Helgastaðahreppi sem dómþinghá.

124

30. des. **Brjef landshöfðingja til amtmannsins í Suduramtinu og Vesturamtinu um hlunnindi handa sparisjóði.** (Ágrip). — Með brjefi þessu endurveitti landshöfðingi Sparisjóði Árnessýslu á Eyrarbakka hlunnindi þau, er ræðir um í tilsk. 5. jan. 1874 um 5 ára tímabil, er teljist frá 1. sept. síðastliðnum, með venjulegum skilyrðum.

GREIÐSLUR ÚR LANDSSJÓÐI TIL VEGAGJÖRÐA.

Samkvæmt 12. gr. B. fjárlaganna fyrir 1892 og 1893 var greitt árið 1893 :

1. til aðalpóstvega :

1. til nýrra vegagjörða	9164 kr. 21 a.
2. — vegabóta og skoðunargjörða	1827 — 96 -
3. — brúa	7578 — 81 -
4. — verkfæra	1724 — 11 -
5. — sæluhúss	731 — 85 -
	Samtals 21026 — 94 -

2. til fjallvega 12900 — € -

